







From *From Courtway Lib*
OCT 31 1999

赤水玄珠婦人門第二十二卷目錄

妊娘煩躁口乾

風痙子癇

妊娘瘕瘕

妊鬼胎

妊娘不語

傷寒熱病防損胎

妊娘傷寒

妊娘時氣

過時熱病

熱病胎死腹中

妊娘瘡疾

妊娘泄瀉

下痢黃水

大小便不通

小便不通

名曰轉脬

子淋



妊娠遺尿

妊娠尿血

胎水腫滿

腹內鐘鳴

孕癰

臍躁悲傷

滑胎方法

十產論

產難方論

交骨不開產門不閉

下死胎方

產難生死脉訣

胞衣不出

產後血暈

產後顛狂

狂言謔語

產後不語

赤水玄珠婦人門第二十二卷

新安生生子孫一全著輯

妊娠煩躁口乾

足太陰脾之經其氣通於口手少陰心之經其氣

通於舌若臟腑不調氣血不和以致內熱乘於

心脾津液消燥故心煩口乾也與子煩大同小

異宜用益母丸 即前一味知母丸是也

一妊婦煩熱咽疼用知母散加山梔清肺而愈后

又內熱咳嗽小便自遺用補中益氣加麥門冬

山枝以補肺氣滋腎水而痊

知母散 治煩躁悶亂口乾

知母

麥冬

黃芪炒

子芩炒

赤茯苓

各一錢

甘草

水煎入竹瀝一合再煎

一沸服之

人參黃耆散 治身熱煩躁口乾

人參

黃耆炒

葛根

秦艽

赤茯苓

麥冬

各一錢

知母

甘草

各五分

右姜三片竹葉十四片水煎服

妊娠風痙子癇

妊娠體虛受風而傷足太陽經遇風寒相搏則口

噤背強甚則腰反張名之曰痙須臾自醒良久

復作又名曰子冒又類子癇

生生子曰風痙乃外邪從足太陽而入有剽柰之

分當從仲景法於傷寒門中求治子癇乃痰涎

所致是內臟所生治當分別

薛氏曰若心經風熱用釣藤湯肝脾血虛加味道

遙散肝脾鬱怒加味歸脾湯氣逆痰滯紫蘇飲

肝火風熱釣藤散脾鬱痰滯二陳姜汁竹瀝若
兼症相雜看所兼重輕分治

一妊婦出汗口噤腰背反張時作時止此怒動肝
火也用加味道遙散漸愈又用釣藤散而止更
以四君加釣藤山梔柴胡而安

一妊婦因怒忽仆地良久而甦吐痰發搐口噤項
強用羚羊角散漸愈更用釣藤散始痊又用歸
脾湯全安

羚羊角散 治妊娘冒悶角弓反張及子癇子胃

風癱等症

羚羊角 獨活 酸冷仁炒 五加皮 防風

川芎 苡仁炒 川芎洗 杏仁去皮尖

茯神各五分 炙甘草 木香各二分 右姜水煎服

釣藤湯 方見胎動不安卷

雲箕子葛根湯 妊娘臨月因發風癱忽悶憤不

識人吐逆眩倒 併治子癇

葛根 貝母 丹皮 防風 川歸 川芎

茯苓 桂心 澤瀉 甘草各一兩 獨活

石羔 人參 各三兩 右以水九升煮取三升分

作三服○貝母令人易產未臨月升麻代之此

症多由風寒濕乘虛而感皆從太陽經治

活人獨活防風湯 治太陽有汗名柔瘧

桂枝 獨活 防風 芍藥 甘草 各一兩 半

右每服乙兩水煎溫服

防風葛根湯 治太陽無汗名曰剛瘧

葛根 麻黃 芍藥 桂枝 各二兩

每服一兩先煮麻黃上沫入餘藥同煎溫服

妊娠瘧瘵

瘵者筋脉急而縮也瘵者筋脉緩而伸也一縮一

伸手足相引搐搦不已大抵與嬰孩發搐相似

此症多屬風主搖動駱龍吉云心主脉肝主

筋心屬火肝屬木主風火相熾則為瘵瘵

也○治法若因風熱用釣藤湯加柴胡山梔黃

芩白木以平肝木降心火養血氣若風痰上壅

加竹瀝南星半夏若風邪急搐加全蝎姜蚕氣

血虧損用八珍湯倍加釣藤山枝若抽搐無力

戴眼反折汗出如珠者肝氣絕也皆不治

薛氏治一妊婦四肢不能伸服祛風燥濕之劑遺

屎痰甚四肢抽搐乃肝火血燥用八珍湯倍加

炒黑黃芩佐以釣藤湯而安後因怒前症復作

小便下血寒熱少寐飲食少思用釣藤散加山

枝柴胡而血止續用加味道遙散寒熱退而得

寐用六君子湯加芍藥釣藤飲食進而漸安

釣藤散 治肝厥頭暈

釣藤鈞 陳皮 炒 生薑 麥冬 茯苓

茯神 人參 甘菊 防風 各一錢 炙甘草 三分

石膏 煨 二錢 姜三片水煎服

妊鬼胎

八由臟府失調血氣不充營衛虛損則精神衰弱

而鬼魅之類得以乘之亦如懷妊之狀故名曰

鬼胎也

薛氏曰一婦經閉八月肚腹漸大面色或青或黃

用胎症之藥不應薛診視之曰面青脉瀯寒熱

往來肝經血病也面黃腹大食少体倦脾經血

病也此鬱怒傷肝脾之症非胎也不信仍用胎
劑無功乃與加味歸脾湯逍遙散各二十餘劑
諸症稍愈彼欲速効別服通經丸一服下血昏
潰自汗惡寒手足俱冷嘔逆不食用人參炮姜
二劑漸愈又用十全大補湯五十餘劑而安
治此症大抵要看虛實者可攻涉虛者必於補
中兼消而佐以雄黃丸之類行而散之

雄黃丸 治鬼胎瘕血腹痛

雄黃 鬼臼 去毛 莽草 丹砂 巴霜

獺肝 炙黃各半兩 蜥蜴 一枚炙 蜈蚣 一條炙

右為末蜜丸梧子大每服二丸空心溫酒下
二服或下蛇鱉之類

治鬼胎及血氣痛不可忍

班猫 去頭翅足用糯米炒 延胡索 炒等分

為末溫酒下五分以去穢物為度空心服

斬邪丹 治鬼胎大如抱甕

吳茱萸 川烏 秦艽 柴胡 姜蚕
莞苓 醋炒 巴戟 巴仁 各一兩

為末蜜丸梧子大每服七丸蜜酒下取下惡物

妊娠不語 此名曰瘖

黃帝曰人有重身九月而瘖此為何也岐伯對曰

胞之脉絡絕也帝曰何以言之岐伯曰胞絡者

繫於腎少陰之脉貫腎繫舌本故不能言帝曰

治之柰何岐伯曰無治也當十月復

此至人窮理之言患此者當靜以偵之不必驚惶而亂投劑十月分娩後當自語也

妊娠傷寒熱病防損胎

良方曰非節之氣傷於妊娠熱毒侵損胞胎若不

早治多致墮胎漏血則子母之命亦不能全矣

薛氏曰此亦當分六經為主相參而治

妊娠傷寒身痛壯熱

葱白升一 前胡 葛根 石膏各二兩半 青代一兩

升麻二兩 梔子十二枚 水煎分三服

妊娠傷寒大小便閉結

前胡二兩半 大黃 石膏各五兩 山梔十枚 知母

黃芩 茯苓 生薑各二兩 水煎分三服

妊娠傷寒發斑忽黑小便如血其胎欲落

山梔 升麻各四兩 青代 兩二 生地 兩四 石膏 兩八

葱白 一升 黃芩 三兩 水煎分三服

又用井中泥塗心下乾則易

妊娠熱病先宜白朮散以安其胎傷寒亦然

白朮 二兩 黃芩 二兩 加姜朮水煎服

若四肢厥逆明症也不可服

妊娠傷寒

生生子曰妊娠傷寒所干甚大治之不早及治不

如法多傷胎損母古人以四物加入引經散那

之劑可選而用之然亦不能及其變茲錄以補之

阿膠散 治時氣傷寒先服此以安胎却以主藥

相間服

阿膠 炒 白朮 炒 桑寄生 人參 茯苓

右為末每服一錢糯米飲調下日三服

前胡湯 治傷寒頭痛壯熱肢節煩痛

石膏 錢一 前胡 甜竹茹 枝子 炒 黃芩 炒

大青 知母 各五分 加葱白水煎服

蘇木湯 傷寒時行洒淅寒振或蕪噦者

赤芍 橘紅 黃芩炒 黃連炒 甘草 蘇木

各五分 水煎服 汗出即瘥如胎不安更服阿膠散

黃龍湯 妊娠寒熱頭疼嘔不食脇痛嘔痰及

產後傷風熱入胞宮寒熱如瘧或經水適來及

勞復熱不解散者

柴胡二錢 黃芩炒 人參 甘草各一錢 水煎服

柴胡石膏湯 頭疼惡寒身熱拘急口乾

柴胡二錢 甘草一錢 石膏三錢 姜水煎服

若氣虛加人參

枳實散 傷寒四五六日腹脹少食腰疼躄重

枳實炒三錢 陳皮一錢 麥冬半錢 姜葱水煎服

旋覆花湯 傷寒頭目旋疼壯熱心躁

旋覆花 赤芍 甘草各五分 前胡 石膏各一錢

麻黃去根節 白朮 人參 黃芩各三分 姜水煎

麥門冬湯 傷寒壯熱嘔逆頭疼胎氣不安

人參 石膏各一錢半 前胡 黃芩各五分 葛根

麥冬各一錢 加姜枣竹茹水煎服

梔子大青湯 發斑變黑尿便血

升麻 梔子 大青 杏仁 黃芩 各一錢

加葱白三寸水煎服

白朮湯 傷寒煩熱頭痛胎動或時吐逆不食

白朮 橘紅 麥冬 人參 前胡 川芎

甘草 半夏 赤茯苓 各五 姜竹茹水煎服

芎藭散 治外感風寒壯熱頭疼心胸煩悶

紫蘇葉 川芎 白朮 白芍 麥門冬

陳皮 乾葛 各五分 甘草 各三分

右姜葱白水煎服

參蘓飲 治症同上

妊娠時行病

四季之間反常如春寒夏冷秋熱冬煖乃非其時

而有其氣者謂時行不正之氣也感之者必長

三五相似甚至沿門闔境相類妊娠患之重者

多致損胎○亦當與傷寒熱病參治

秦艽散 治時氣五六日不得汗口渴飲水狂言

嘔逆

秦艽 柴胡各五分 石膏 一錢 犀角 赤茯苓

前胡 甘草 葛根 升麻 黃芩各四分

加淡竹茹水煎服

葛根飲子 時氣煩熱口乾頭疼

乾葛 麻黃去根節 石膏一兩 豆豉 合

白米半升 枝子十四粒 葱白二莖

水煎分三服汗出為効

消熱飲子 治時氣六七日大小便不利

芒硝一兩 細研 葵子二兩 水煎分三次以利為効

天參敗毒散 治四時傷風頭痛發熱咳嗽

此方即倉廩湯減陳倉米是也

過時熱病

冬時觸冒嚴寒即病曰傷寒不即病而毒藏於肌

骨之間至春發為溫病至夏發為熱病也 妊娠

患之多致墮胎熱病與暑病相似但熱病脉實

暑病脉虛治當審察

治妊娠熱病頭痛嘔吐煩悶

人參一方 竹茹 葛根各一兩 芦根二兩 知母三兩

麥冬半一兩

每服五錢葱白三寸水煎服

枝子仁飲

治病發斑黑色小便如血氣喘急胎

欲墮

枳子 升麻

石膏

生地

各二兩

黃芩一兩

大青錢八

每服五錢葱白七寸豉四十九粒

水煎服

大黃飲 治熱病六七日大小便秘澀

大黃

微炒

石膏

各一兩

知母

前胡

赤茯苓

各七錢半

枳子

甘草

黃芩

各五錢

生地黃

一兩半

每服七錢水煎服

芦根湯

治熱病頭痛心煩嘔吐

知母

四兩

竹茹

三兩

每服五錢生芦根一握同

糯米一撮水煎服

枳子五物湯 治姙婦傷寒壯熱頭痛

枳子 前胡

知母

各二兩

黃芩

一兩

石膏

四兩

每服五六錢水煎服

升麻六物湯 治傷寒斑黑溺血

升麻

枳子

各二兩

大青

杏仁

黃芩

各一兩

每服五錢葱白五寸水煎服

又方

伏龍肝為末每服一錢水調下外用承調塗臍

又方

芦根煮汁時服一盞

熱病胎死腹中

良方曰熱病以致胎死腹中不能出者但服黑神散胎自下矣

陳無擇先生曰當視其產母若面赤舌青其子已死而青舌赤母死子生唇青吐沫子母俱死若

雙胎或一死一活用黑神散

薛氏曰竊謂前症宜補助產母使其胎自下黑神散恐大熱不互輕用果胎已死者用平胃散加朴硝水銀下之最為穩當庶不併傷生者

生生子曰前症妊母既曰熱傷其胎矣必其母衝任熱極營衛枯槁其胎乃死猶之藤枯而瓜焦也仍以熱藥下之寧不重傷妊母乎薛公評之當也而良方每謂妊婦致疾多起於寒按其逐月所著養胎之方籍熱藥為主是亦一偏也

其間豈無挾熱者乎故丹溪曰虛曰熱謂涼血則血循經而胎得以滋養血熱則沸騰也今此症始既曰熱病胎死腹中矣又復以熱藥下之意者恐以死胎不下為急而不暇顧其母耶不然必為用寒涼治熱太過而中氣虛寒熱劑為不得已用之也否則何陳無擇之高哲寧肯從而主之

黑神散 又名烏金散

桂心 當歸 芍藥 甘草 炙 乾姜 炮

生地 各一兩 黑豆 炒去皮 二兩 大附子 炮去皮 臍半兩

為末每服二錢溫酒下

又方 治胎死腹中

紅朮 酒煮汁濃飲之二三碗効

又方

伏龍肝為末溫酒下二錢白湯下亦可

又方

朴硝為末童便和熱酒調下一二錢立下

妊娠瘡疾

妊娠病瘡乃夏傷於暑客於皮膚至秋而發陽盛則熱陰盛則寒陰陽相離寒熱俱作妊娠而作多傷於胎

當於瘡症門尋治

薛氏曰若木侮土久而不愈用六君子為主佐以安胎藥乃參三陰三陽經而治之

即瘡症門仲景方劉守真分經治療法也

清脾飲 小柴胡湯 逍遙散 補中益氣湯
選而用之極為穩當○黃芩白朮陳皮三味煎湯服亦佳

妊娠泄瀉

良方論曰妊娠泄瀉或青或白水穀不化腹痛腸鳴謂之洞瀉水穀不化喜飲嘔逆謂之協熱下利並以五苓散利小便次以黃連阿膠丸或三黃熟艾湯以安之若瀉黃有沫腸鳴腹痛脈沉緊數用戊己丸和之暖腐不食胃脈沉緊用感應丸下之後調和脾胃若風冷水穀不化如豆汁用胃氣湯寒冷臍下陰冷理中湯治中湯伏暑心煩渴瀉水用四苓散傷濕泄瀉小便自利

八廿二卷
用不換金正氣散胃苓湯此四症之大略也仍
參泄瀉門互治

生生子曰前症予見之屢矣人皆以為小疾忽而
不治及生子率多虛弱子姪婦每懷妊必瀉治
亦不愈分娩後又自止也其生子也脆而白無
血色得非胎虛之故歟予曰思之妊娠則月水
蓄之以養胎血亦濕類也以停濕故瀉經曰濕
勝則濡泄是也治宜健脾燥濕后孕以白朮半
夏等為丸與之而安

薛氏曰按前症若米食所傷用六君加穀蘖麵食
所傷六君加麥蘖肉食所傷六君加山查若兼
寒熱作嘔乃肝木侮脾土用六君加柴胡生姜
兼嘔吐腹痛手足逆冷乃寒水侮土六君加姜
桂不應用錢氏益黃散若元氣下陷發熱作渴
肢體倦怠用補中益氣湯若泄瀉色黃乃脾土
之真色用六君加木香肉果若作嘔不食腹痛
惡寒乃中焦虛寒用六君加木香姜桂若瀉在
五更侵晨飲食少思乃脾腎虛弱五更服四神

九日間服白朮散如不應或愈而復發或飲食少思急用八味丸補右腎以培脾土為善

厚朴丸 治洞泄寒中

乾姜炮 厚朴製等分

為末糊丸梧子大米飲下五十丸

草果散 治虛寒泄瀉腹痛無度

厚朴姜制二兩 肉果麵煨十枚 草豆蔻煨十枚

每服三錢水煎服

妊娠下痢黃水

妊娠痢疾宜搜痢疾門參治而痢黃水乃脾土虧損真氣下陷也當升補中氣看所兼何症而治之在臨病制宜不必拘用阿膠艾葉之類也

產寶方 治妊娠痢黃水

厚朴姜汁炒 黃連各二兩 肉果五枚

右水煎徐徐服以効為度

又方 治熱痢

黃連一升 黃栢一升 梔子二十枚

每服五錢水煎如嘔者加橘紅

又方 妊娠下痢痛

糯米合

當歸炒

黃芪各一兩

水煎分四服

臨產下痢用梔子炒為末每服二錢白湯調甚効

妊娠大小便不通

大小便不通由臟府之熱所致若大腸熱則大便

不通小腸熱則小便不通大小腸俱熱更推其

因而藥之

當歸散

妊娠因怒肚腹脹痛四肢浮腫氣急作

喘大便難小便澀產門腫

當歸五分

赤茯苓

枳壳麩炒

白芍

川芎

各錢

白姜炮

木香

甘草各三分

姜一片

水煎

若氣弱者枳壳減半大便秘加蜜同煎服

妊娠大小便不通腹脇痞悶不思飲食

大黃炒

木通

檳榔各一兩

枳壳

麩炒三錢

訶子

四枚去核半生半熟用

大腹子

三枚

共為末童便一盞葱白七莖煎六分調服錢二

治妊娠小便不利氣急服猪苓散不瘥用甘遂為

末蜜和服豆許微利之未利再服利後乃良者

苓散

猪苓散

治妊娠小便澁痛及胎水

猪苓

去皮

為末白湯調下一錢加至二錢日三

服夜二服

又方

車前子

一兩

大黃

炒半兩

共為末每服三錢密蕩調下

妊娠小便不通名曰轉脬

妊娠小便不通為小腸有熱 於脬而不通耳若

兼心肺氣滯則致喘急陳無擇云妊娠胎滿適

胞多致小便不利若心腎氣虛清濁相干而為

諸淋若胞系了戾小便不通名曰轉脬若胎滿

尿出名曰遺尿

薛氏曰按丹溪云轉脬小便閉多因胎婦虛弱真

悶性躁熯灸厚味古方用滑利疎導藥鮮效若

將為胎所壓而不通但當升舉其胎俾胞系疎

鬆而小便自行若臍腹作脹而小便淋閉此脾

胃氣虛胎壓尿胞四物二陳參朮空心服後探

吐數次自安竊謂前症亦有脾肺氣虛不能下
輸膀胱者亦有氣熱鬱結膀胱津液不利者亦
有金為火燥脾土濕熱甚而不利者更當詳審
施治

一婦患此小腹腫脹至於殆用八味丸一服小
便淋瀝再以八味丸料加車前子一劑即利肚
腹頓宛而安

八味丸 治妊婦飲食如故煩熱不得卧反側倚
息因膠系了戾不得溺名轉膠但利小便則

愈內有茯苓故也緩則不救

其方即六味地黃丸加附子桂心

古今錄驗治妊娘小便難飲食如故

當歸 貝母 炒去心 苦參 各三兩 滑石 半兩

為末蜜丸小豆大每服三十九米飲下

治妊娘小便不通脐下妨悶心神煩亂

葵子 研 榆白皮 各一兩 葱白七莖水煎分二服

古今錄驗妊娘不得小便者

杏仁 去皮尖 炒黃搗丸豆大燈心湯吞下七丸

又用滑石末水和塗臍下

又方

車前草汁調滑石末塗臍周圍四寸熱易之

又方

杏仁 滑石末

等分

飯丸豆大每白湯下廿九

又方

紫苑為末井花水調下二錢

葵子散

妊娠小便不利身重惡寒眩暈水腫

葵子

赤茯苓

各五兩

為末每服三錢米飲下

三生子曰予嘗以補中益氣湯加桔梗治數婦皆

効但用滲利藥而不得通者必須升提氣升則

水自降氣虛者非大補則提亦無功

子淋

妊娠小便淋者乃腎與膀胱虛熱不能制水然妊

婦胞繫于腎之間虛熱而成斯症甚者心煩悶

乱名曰子淋也

薛氏曰前症若頸項筋挛語瀯痰甚用羚羊角散

若小便澀少淋瀝用安榮散若肝經濕熱用龍

胆瀉肝湯若肝經虛熱用加味道遙散腿足轉筋而小便不利急用八味丸緩則不救若服燥劑而小便頻數或不利用生地茯苓牛膝黃柏知母五味麥冬玄參若肺氣虛而短少用補中益氣加山藥麥冬若陰挺痿痺而頻數用六味丸若熱結膀胱而不利用五淋散若脾肺燥不能化生宜黃芩清肺飲若膀胱陰虛陽無所生用滋腎丸若膀胱陽虛陰無所化用六味丸
地膚大黃湯 治子淋

大黃炒

地膚草

各三兩

知母

黃芩炒

猪苓

通草

赤芍藥

枳實炒

升麻

甘草

各二兩

每服五錢水煎服

安榮散

治子淋甚效

麥冬

通草

滑石

川歸

灯心

甘草

人參

細辛

各五分

水煎服

治小便淋痛心煩悶乱

藿麥穗

赤茯苓

桑白皮

木通

葵子

各一錢

黃芩炒

車前子炒

芍藥

枳壳

各五分

右水煎服

治子淋小便澀痛

冬葵子 滑石 木通 各等分

每服六錢葱白七寸水煎服

猪苓散 方見大小便不通卷

妊娠遺尿

良方曰妊娠尿出不知用白薇芍藥為末酒調下

或白礬牡蠣為末酒調下二錢或鷄毛灰末酒

服一七或炙桑螵蛸益智仁為末米飲下

薛氏曰若脬中有熱宜加味道遙散若脾肺氣虛

宜補中益氣加益智若肝腎陰虛宜六味丸

一 妊娠遺尿內熱肝脉洪數按之微弱或兩太陽

作痛脇肋作脹以為肝火血虛用加味道遙散

六味地黃丸尋愈后又寒熱或發熱或恚怒前

症仍作用八珍散逍遙散兼服以清肝火養肝

血而痊

妊娠尿血

妊娠尿血良方謂內熱乘於血分以致血熱流滲

於臍名曰血淋用葵子一升研水五升煮二升
分三服或生艾葉一斤酒五升煮二升分三服
或生地一斤酒四升煮二升分三服亦治墮胎
後下血

薛氏曰因怒動火者宜小柴胡加山梔因勞動火
者補中益氣湯因厚味積熱宜加味清胃散若
因肝經血熱宜加味道遙散因脾氣下陷補中
益氣湯若因脾虛血熱宜加味道遙散
一妊婦因怒尿血內熱作渴寒熱往來胸乳間作

脹飲食少思肝脉弦弱此肝經血虛而熱也用
加味道遙散六味丸兼服漸愈又用八珍湯加
柴胡丹皮山梔而痊

續斷湯 治妊娘下血及尿血

當歸 生地各一兩 續斷半兩 赤芍半兩

為末每服二錢空心葱白湯調下

治妊娘尿血

阿膠炒 熟地各四兩 同搗為丸每服八十九空

心米飲下

八方

四苓散 加炒阿膠車前子茅草根水煎服

又方

白茅根 濃煎湯吞酒蒸黃連丸

加味清胃散 方見

妊娠胎水腫滿

產乳集云妊娠三月足腫至腿出水飲食不甘似水腫謂之子氣至分娩方消者此脾胃氣虛或衝經有血風亦有脾虛水氣流溢或因瀉痢臟

府虛寒或因瘧疾飲水脾虛濕瀆或因水漬於胞不能分利皆致腿足腫肚腹腫也

薛氏曰若胸滿腹脹小便不通遍身浮腫用鯉魚湯脾胃虛弱佐以四君子若面目虛浮肢體如水氣用全生白朮散如未應用六君子湯脾虛濕熱下部作腫補中益氣湯加茯苓若飲食失宜嘔吐泄瀉六君子湯腿足發腫喘悶不安或指縫出水天仙藤散脾胃虛弱兼四君子湯如未應補中益氣湯若脾肺氣滯加味歸脾湯佐

以加味逍遙散

一妊婦每至五月肢體倦怠飲食無味先兩足腫
漸至遍身後及頭面此脾肺氣虛朝用補中益
氣夕用六君子加蘇梗而愈○凡治妊婦母泥
月數但見某經症即用本藥為善

天仙藤散

婦人有水氣而成胎以致兩腿足腫

天仙藤

畧洗

香附子

炒

陳皮

烏藥

軟白辣者

甘草

各五分

右每服五錢生姜木瓜蘓葉各三

片水煎日三服

澤瀉散

妊婦遍身浮腫上氣喘急大便不通小

便赤澁

澤瀉

桑皮

炒

木通

枳壳

炒

赤茯苓

枳郎

各五分

右姜水煎服

防已散

脾虛遍身浮腫腹脹喘促小便不利

防已

三錢

桑皮

炒

紫蘓莖葉

赤茯苓

各五分

木香

二分

右姜水煎服

千金鯉魚湯

妊婦腹大胎間有水氣

白朮

五兩

茯苓

四兩

當歸

芍藥

各二兩

右咬咀先以小鯉魚一尾如食法煮取汁二
盞入藥五錢姜七片橘皮少許煎七分空心
服

腎著湯 治妊娠腰脚腫

茯苓 白木各八分 干姜炮 甘草各一錢

杏仁五分 右水煎服

五皮散 治胎水腫滿

大腹皮 桑白皮炒 生姜皮 茯苓皮

橘皮各一錢 木香二分 右水煎服

全生白朮散 妊娠面目浮腫四肢腫如水氣名

曰胎氣又名胎腫

白朮一兩 生姜皮 大腹皮 陳皮 白茯苓

各五錢為末每服二錢米飲下

治妊娠脚浮腫因脾衰血化成水以生料平胃散
姜朮水煎服或為末紫蘓葉湯調下二錢日二
服以腫退為度

腹內鐘鳴

良方曰孕婦腹內鳴用鼠穴中土為末入射香酒

調服二錢立愈或黃連煎濃汁常飲之

薛氏曰兒在腹中哭產寶方亦用空房中鼠穴土或黃連煎濃汁飲之即止又云臍帶上疙瘡兒含口中因產婦登高舉臂脫出兒口以此作聲令妊婦曲腰就地如拾物狀仍復原入兒口即止然黃連性寒麝香開竅當斟酌用之

龔彥德孕癩方

治孕癩用烏藥五錢水一鍾煎七分入牛皮膠兩煎化溫服或薏苡仁煮汁飲之

薛氏曰按孕癩即是腹內患癩如前法治之倘不

應宜用牡丹皮散或薏苡仁湯

薏苡仁湯 又名瓜子仁湯

治腸癩腹中疝痛煩毒不安或脹滿不食小便澀婦人產后虛熱多有此病縱非癩但疑似間便可服

薏仁 二錢 一方用冬瓜子仁無冬瓜子以括

萎代之姚氏去薏仁用杏仁崔氏加芒硝

薏苡仁 括萎仁 各三錢 牡丹皮 二錢

右作一劑水煎服

牡丹皮散 治腸癘冷症腹濡而痛時利膿

丹皮 人參 天麻 白茯苓 黃芪炒 白芷

苡仁 薏仁去皮 當歸洗 川芎各一錢

炙甘草 官桂各五分 木香三分 右水煎服

臟躁悲傷

許學士云一婦無故數次悲泣是為臟躁用大棗湯而愈又程虎卿內姪娘五月慘感悲傷亦投大棗湯而痊

薛氏曰或因寒水攻心或肺有風邪者治當審察

一婦無故自悲用大棗湯二劑而痊後又復患用

前湯佐以四君子加山梔而安

一姪婦悲哀煩躁其夫詢之云我無故但自歎悲

耳用淡竹茹湯為主佐以八珍湯而安

大棗湯

甘草三兩 小麥三兩 大棗十枚

淡竹茹湯 姪娘心虛驚悸臟躁悲傷或作虛煩

麥冬 小麥 半夏湯炮各一錢 人參 白茯苓各一錢

甘草分五 加姜枣竹茹水煎服

又方 治臟躁悲哭

紅枣燒存性為末米飲調下二錢

妊娠十月宜服滑胎湯藥

滑胎枳壳散 入月服之令胎瘦易產昔湖陽公

主每產累日不下南山道人進此方

枳壳二兩 煨炒 炙甘草一兩

右為末每服二錢空心沸湯調下日三服

凡孕六七月宜服之温隱居加當歸木香分

又方 治同上 兼治此疾下氣寬膈

枳壳五兩 煨炒 甘草半兩 香附子炒三兩

右為末每服二錢白湯調下

又方 易產滑胎

車前子為末或酒或米飲調下一錢

神寢丸 臨月服之神効

通明乳香半兩 另末 枳壳煨炒一兩 為末

右蜜丸梧子大每空心酒服三十九

榆白皮散 滑胎易生

榆白皮

甘草

各二兩

葵子

一兩

右為末每以五錢水煎服

保氣散

寬氣進食瘦胎易產或居處失宜頓仆

胎動若胎痛胎漏兼服佛手散

香附

木香

各四兩

山藥

二兩

砂仁

粉草

各一兩

益智

蘇葉

各半兩

為末每服二錢白湯調下

薛氏云神寢丸枳壳散併此方入月宜常服

保產無憂散

妊娘身居安逸口厭甘肥憂樂不

常食物不節致胞胎肥厚根蒂堅牢入月服

之易生

當歸

川芎

白芍

枳壳

炒

乳香

各三錢

木香

甘草

血餘

即髮灰以貫猪心
和之各一錢半

右為末每服三錢水煎日二服神効

妊娘臨月以猪肚一具煮爛徐食令易產

一產論

一曰正產 懷胎十月滿足忽腰腹作陣疼痛相

次胎氣頓陷至於脐腹痛極乃至腰間重痛谷

道挺併繼之漿破血出兒乃遂生此名正產

二曰傷產 懷胎未產一月已前忽然臍腹疼痛
有似欲產仍却無事是名試月非正產也又名
曰弄痛凡產母未有正產之候切不可令人抱
腰亦不可令產母妄亂用力若兒身未順總方
轉動便教產母空亂用力使子錯路忽橫忽倒
不能正生皆由產母用力於未當用力之所致
也直待兒身順適遍臨產戶始可用力一送令
兒趁力生下

經目曰右傷產一法最為切要勿輕忽也凡十
月未足臨產腹痛或作或止或痛不甚者名曰
弄痛非正產之候或腹雖痛甚而腰不甚者非
正產之候胎高未陷下者非正產之候穀道未
挺併者非正產之候水漿未破血未出者非正
產之候漿血雖出而腹不痛非正產之候凡未
有正產之候且令扶行耐忍如不能行或凭物
坐之或安臨之或且服安胎藥一二帖即安得
安即止慎勿妄服催生藥又勿愴惶致令產母
憂恐而挫其志務要產母寬心存養調停令老

誠練達穩母先說諭之如養心中煩悶可取白
蜜一匙新汲水調下切勿妄亂用力先困乏其
母直待子逼門戶腰重痛極眼中如火穀道挺
逆方是正產候也此時始可用力并服催生藥
也予男婦于未產一月已前腰腹俱痛全似將
產其痛至甚但遇已時稍止如此十餘日計無
所出因閱此條遂與安胎藥加參朮數服間與
肉味養之由是平復不痛又二十餘日始產一
男設若此際亂動亂用力并服催生等藥則立
見其危矣

三曰催產 若婦欲產漿破血下已見是為正產
之候但却未生即可服催生藥催之忽有經及
數日產母困苦亦可服藥以助產母之正氣令
兒速生也

四曰凍產 凡冬月天冷產母經血得冷則凝以
致兒子不能生下此害最深但冬月產者下身
不可脫去綿衣尤不可坐卧寒處當滿房著火
常有煖氣令產母背身向火令臍下腿膝間常
煖血得熱則流動使兒易生此名凍產

五曰熱產 凡盛夏之月產婦要溫涼得所不可恣意取涼傷損胎氣亦不令房中人多恐熱逼襲產母使產母血沸而有發熱頭痛面赤昏如醉乃至不知人事此名熱產

六曰橫產 凡兒先或露手或先露臂此乃產母未當用力而用之過也兒身未順用力一逼遂至身橫不能生下當令產母安然仰卧後令看生之人先推其手令入直上漸逼身以中指摩其肩推上而正之或以指攀其耳而正之頃

是產母仰卧然後推兒徐正之候其身正煎催生藥一盞飲之方可用力令送兒下此名橫產

七曰倒產 凡產母胎氣不足關鍵不牢用力太早致令兒子不能迴轉便直下先露其足當令產母仰卧令看生之人推其足入不可令產母用分毫力亦不得驚恐使兒自順去

八曰偏產 兒身未正產母用力一逼致令兒頭偏柱左腿或偏柱右腿故頭雖露偏柱一畔不

能生下當令產母仰卧次令看生之人輕推
兒近上以手正其頭令兒頭頂端正然後令產
母用力一送即便生下若是小兒頭腦後骨偏
柱穀道只露其額當令看生之人以綿衣炙温
裹手於穀道外方輕推兒頭令正便令產母
用力送兒生也此名偏產

九曰礙產 兒身已順而露正頂不能生下蓋因
兒身迴轉肚帶攀其肩以此露正頂而不能生
下當令產母仰卧令看生之人輕推兒近上

徐引手以中指按兒肩下撥其肚帶仍須候
兒身正順方令產母用力一送使兒生下此名
礙產

右橫產倒產偏產礙產四法若看生之人非
精良妙手不可依用此法恐恣其愚以誤人
命也按倒產者今時往隨其倒足生下並
無後患且母双全不必依推足復上之法亦
可又礙產者往有肚帶纏在兒頂上而兒
頭自出在產門外看生之人以手撥其肚帶

從兒頭頂過而下之者又有肚帶纏在頂上一匝而兒與胞衣自然同下者皆無妨不必以此礙產法復入產門內撥下也

十曰坐產 臨產時高處繫一手巾令產母以手攀之輕屈足坐身令兒生下非坐在物上也
此名坐產

十一曰盤腸產 趙都運恭人每產則大腸先出然後產子既產之後其腸不收甚以為苦名曰盤腸產醫不能料偶在建昌得一坐婆施一法

而收之其法以醋半盞新汲水七分和勻喫產母面每喫一縮三喫收盡此良法也

丹溪治產後腸不收香油五斤煎熟盆盛俟溫令產母坐油盆中約一頓食時以皂角末吹入鼻中嚏作立上

又方 革麻子十四粒去壳研如膏貼產母頭頂心上其腸上即揩去

一方 腸出盛以潔淨漆器濃煎黃芪湯浸之即收

催生

催生柞木飲子 難產或胎爛腹中腹悶神効

生柞木

一尺

甘草

大考五寸

右水三鍾封罐口煎一鍾半候胎順產門徐以

溫服即時分娩更無諸苦

催生如神散 治橫生逆產其功甚大

百草霜

白芷

不見火

右為末每服三錢至胎順產門以童便米醋和

為膏加沸湯調下或童便酒煎進二服然血

得黑即止此藥大能固血而免血乳甚妙

如聖散 黃蜀葵花焙為末熱酒調下二錢○若

漏血胎乾胞澁難產併進三服即產如無花

用子半合末之溫酒服尤妙○若打撲胎死

紅花酒調下

順生丹 治同上

兔腦髓 去皮膜

明乳香

一兩

毋丁香

二兩

麝香 一錢

右以兔腦子丸鷄頭子大陰乳每服一九溫水

下

又方 透明乳香一塊如皂子大為末腰痛時用
冷水醋少許調服扶立令兩手握大石燕二
枚口念醫靈藥聖三遍行數步用坐產法便
生更無痛楚神效

薛氏曰其法士人視之似迂然用之者稱驗甚

治逆產

蛇退

一條順下完全者

蚕退帛

一

右共入新瓦罐內鹽泥固濟煨存性為末煎
榆白皮湯下一錢三服竟痛便生

又方

伏龍肝

研末

每服一錢酒調下兒戴土而下

又方

魚膠

一尺許

新瓦上煨灰陳醋調服左下

胞漿先乾胎澁不下急服大料四物湯滋其血氣
并濃煎葱湯薰洗產戶更用油燭塗產戶內却
服前藥

神妙乳砂丹

明乳香為末以猪心血丸梧桐

子大硃砂為衣陰乾每服二丸嚼碎冷酒下良
久未生再服或以蓮葉蒂七個水煎化服二丸
尤妙良久未生再服

交骨不開產門不開

交骨不開產門不開皆由元氣素弱胎前失於調

攝以致血氣不能運達而然交骨不開陰氣虛也用加味芎歸湯補中益氣湯產門不開氣血俱虛也用十全大補湯

一婦交骨不開兩日未生服加味芎歸湯一劑即時而產彼後以此方傳與人服應手而効

一婦生平分媿最易至四十歲妊娠下血甚多產門不開與前湯一劑又以無憂散斤許煎熟時時飲之以助其血而生

一產婦玉門不開發熱惡寒十全大補加五味子數劑而寒熱退又以補中益氣加五味子數劑而玉門歛○若初產腫脹或炊痛而不閉者用加味道遙散若腫既消而不閉者用補中益氣湯切忌寒涼之劑

一婦脾胃素弱兼有肝火產後玉戶腫痛寒熱作渴嘔吐不食敷大黃芩藥服驅利之劑腫及於髻虛症蜂起此真氣虛也先用六君子以固脾胃乃以補中益氣湯升舉而消

一產婦失治腫潰不已形体消瘦飲食少思朝寒

暮熱自汗盜汗半年矣予用補中益氣加茯苓
半夏以健脾胃膿水漸少飲食漸進用歸脾湯
以解脾鬱共五十餘劑元氣復而瘡亦愈矣
一產婦玉門不閉小便淋瀝腹中一物攻動脇下
或脹或痛用加味逍遙散加車前子而安
一產婦子宮腫大二日方收損落一片殊類猪肝
面黃体倦飲食無味內熱晡熱自汗盜汗用十
全大補湯二十餘劑諸症悉愈仍復生育
加味芎歸湯 治交骨不開不能生產

川芎

川歸

各一兩

龜板

炙一

婦人頭髮

燒存性

一握

右為散每服一兩水煎服約人行五里即生縱
死胎亦下

產難方論

郭稽中曰產難者因兒轉身將兒枕血塊破碎與
胞中敗血壅滯兒身不能便利是以難產急以
勝金散消敗其血使兒易生陳無擇云多因兒
未轉順坐草太早或努力太過以致胞衣破而
血水乾產路澁而難下宜先服催生如神散以

固其血設或逆生橫產當按法施治

勝金散 催生如神 麝香錢一 豆豉兩一

為末秤鎚燒赤淬酒下

下死胎方

穩婆之女勤苦負重妊娠腹中陰冷重墜口中

甚穢子意其胎已死令視其舌青黑與朴硝一

兩許服之化下穢水而安

婦胎死腹中服朴硝下穢水肢體倦怠氣息奄

奄用四君子為主佐以四物姜桂調補而安

又方 以利斧燒紅置酒中待溫飲之其胎便下

又方 錫粉 水銀各一錢 束肉為丸豆許大水吞

立下

又方 平胃散錢五 酒水各一盞煎至一盞投朴硝

五錢再煎三五沸溫服其胎即化水而去

寶慶方云凡欲斷臍帶先以繫物墜下後可斷之

否則胞衣上即冲心而死

產難生死脉訣

欲產之婦脉離經沉細而滑也同名夜半竟痛應

分誕來日下午定知生身重體熱寒又頻舌
之脉黑復青反舌上冷定知死腹中須遣子真
面赤舌青細尋者母活子死定應難唇口俱青沫
又出子母俱死總高判面青舌青沫出頻母死
子活是知真不信若能看應驗尋之賢哲不虛
新產之脉緩活言實大弦急死來侵若得沉重小
者吉忽若堅牢命不停
寸口澁疾不調死沉細附骨不絕生審看此候分
明記長須念此向心經

胞衣不出

郭稽中曰胎衣不下者因氣疲憊不能努出或血
入衣中脹大而不能下以致心胸脹痛喘急速
服奪命丹血散脹消其衣自下牛膝散亦効
一婦胎衣不出胸腹脹痛手不敢近用滾酒下失
笑散一帖惡露胞衣並下

一婦胞衣不出腹痛手按之稍緩此氣虛不能送
出也用無憂散而下○前症常詢諸穩婆云宜
服益母丸或就以產婦頭髮入口作嘔其衣自

出不出者必死然前法甚効

奪命丹

大附子

炮半兩

牡丹皮

一兩

乾漆

炒烟尽

錢

大黃

一兩

為末醋煎大黃成膏丸梧子大温酒

吞七丸

花蟲石散

治產后敗血不尽血迷血暈胎衣不

下至死心頭煖者急用一服即化水而出其効

如神

花蟲石

斤一

上色硫黃

兩四

右和勻以紙泥封固瓦罐內炭火煨赤次日取

出細研每服一錢童便熱酒下

牛膝散

治胎衣不出腹中脹痛急服此藥腐化

而下緩則不救

川芎

朴硝

牛膝

蒲黃

各三兩

川芎

半兩

桂心

錢五

右每服五錢姜三片生地

錢一

水煎服

又方 紅花一兩酒煮濃汁服

又方 鹿角鎊三錢為末葱湯調服

又方 取產母鞋底烘熱熨小腹上下二七次

產後血暈

良方曰產後血暈乃血入肝經甚至眼花昏悶用

黑神散主之下血過多用清魂散補之或以醋
湯細飲或預燒秤鎚以醋沃之或醃醋塗口鼻
或燒漆器薰之使產母鼻吸其氣庶無此患
薛氏曰若惡露上行用失笑散血下過多芎歸湯
若過勞所傷補中益氣湯血虛極用清魂散大
凡產後口眼喎斜等症當大補氣血為主而兼
以治痰若脾胃虛弱用六君子湯苟於七月之
前服安胎飲至八九月間加大腹皮黃楊頭元
氣虛弱八珍湯臨產用無憂散則無前患

一婦八月胎下墜或動面黃躄倦飲食少思此脾
氣虛弱用補中益氣湯倍白朮加蘇梗三十餘
劑而安產後眩暈胸滿咳嗽用四物加茯苓半
夏桔梗而愈

一婦因飲酒惡露甚多患血暈口出酒氣此血得
酒熱而妄行虛而作暈也以佛手散加煨甘葛
二錢一劑而痊酒性慄悍入月及產後不宜飲
恐致前症

奪命丹 治血暈腹痛 沒藥 血竭 為末等

分每服二錢熱童便冲酒下

清魂散 產後氣血暴損虛火妄動血随火上以

致心神昏亂口噤眼花甚至悶絕而甦

澤蘭葉 人參各一錢 荆芥三錢 川芎一錢 右各

另為末每服一二錢熱湯和酒調灌之

一方 五靈脂半生半炒 為末每服二錢温酒灌入

即甦

一方 荆芥為末童便調服

一方 神麴末每服二錢熱水調服

一方 韭菜切入瓶內注熱醋以瓶口對鼻薰之

一方 半夏為末丸豈大入鼻中即醒亦治五絕

佛手散 治產後去血眩暈欲絕又治血崩不止

又能治胎痛安生胎而落死胎神効

川芎酒洗 當歸酒浸各五錢

酒水各一鍾煎至一鍾服

產後顛狂

產後顛狂乃敗血上冲用大聖澤蘭散加砂仁末

三分煎酸棗仁湯調下或硃砂為末二錢乳汁

調和入紫項活地龍一條滾二三沸去之入酒
再用重湯煮溫分三服

薛氏曰乃血虛神不守舍非補養元氣不可

一產婦患前症或用大聖澤蘭湯而愈後又怔忡
妄言其痰甚多用茯苓散補其心虛頓愈又用
八珍湯加遠志茯苓神養其氣血而瘥

一產婦亦患此用化痰安神等藥病益甚神思消
燥余以為心脾血氣不足用大劑參朮芎歸茯
神酸枣仁四斤餘而安乃以歸脾湯五十餘劑

而愈

茯苓散 治產後心虛忪悸言語錯亂健忘少睡

或自汗盜汗

人參 炙甘草 芍藥炒 當歸 生姜各八

遠志 茯苓各一錢 桂心六分 麥冬五分 大棗二枚

水煎溫服

抱膽丸 治產後遇驚發狂或遇經行發狂

水銀二兩 黑鉛一兩五錢 硃砂 乳香各一兩

右將黑鉛入銚內火熔化俟稍冷下水銀擾成

砂子再入乳香硃砂乘熱用柳木槌研勻丸
鷄頭子大每服一九薄荷湯下得睡勿驚
來即安○妙香散亦善

此症屬火者多不可槩視為瘀血及虛治也童
便極好或冲入涼血藥中用之屢見效

產後狂言譫語

產後狂言譫語乃心血虛也用硃砂末酒調下龍
虎丹參九琥珀地黃丸亦可如驚悸歌哭顛狂
等症當參治之

一產婦形体甚倦時發譫語用栢子仁散稍愈又
用加味歸脾湯而愈又因怒仍狂言脇痛小便
下血用加味逍遙散以清肝火養肝血頓瘥又
佐以加味歸脾湯而安

治敗血上衝發熱狂走脉虛大者

乾荷葉 生地 丹皮 各等分 濃煎湯調生蒲

黃二錢服之即止

妙香散 治產後語言錯亂用生地當歸煎湯調
服立效

炙甘草 人參 桔梗各五錢 茯苓 茯神

山藥姜汁炒 黃芪 遠志各一兩 辰砂三錢 射香二錢

木香二錢半 右為末每服二錢溫酒調服

○又能治心氣不足精神恍惚虛煩少睡盜汗

夢與鬼交等症

產後不語

產後不語因心氣虛而不能通津於舌則舌強不能言語者宜服七珍散餘當推其所因而治之可也

七珍散

人參 石菖蒲 生地 川芎各兩 細辛一錢

防風 辰砂另研各五錢

為末每一錢薄芎湯調服

胡氏孤鳳散 治產後閉目不語用之即効

生白礬為末每服一錢熱酒調下

產後不語

人參 石蓮肉 石菖蒲等分

每以五錢水煎服





